



10869

蕉林詩集

真定梁清標



五言律一

長安人日

春城簫鼓動七葉長
仙萸帝里逢人日
金門隱客星旅貧
羹菜薄愁劇酒杯停
莫問升沉事孤踪尙
轉萍

元夕

紫陌寒初歛燒燈夜
未央火隨花樹落
風入珮環

蕉林詩集

五言律一

一

香鼓按漁陽奏
藜燃太乙光
長安多俠少
裘馬正飛揚

二

承漏池魚鑰酒酒車
馬過鐘聲烟寺迥
月影畫橋多折柳
愁聞笛飛塵暗踏歌
晉陽烽燧急露布近
如何

正三

初霽燕山雪輕烟傍
戶霏瑞階萸正滿
華館燭成圍
蒲博喧遊冶烏號
擁飲飛五侯
新意氣雜選竟

忘歸

四

帝城明月夜寶炬引千官太液流漸漲高樓星斗
寒笙簧頻錯落簪履漸闕冊爲愛春宵永挑燈聽
派殘

早朝

雙闕芙蓉曉初陪鷓鴣班御烟浮左掖紫氣散燕
關侍從多封事天威早霽顏儒臣逢盛際橐筆

自優閒

蕉林詩集

五言律一

二

孤鴈

春夜鳴鴻急孤飛怨失群鄉書誰與繫遠戍不堪
聞寒影衝江雪遶天亂朔雲北來何所事增繳正
紛紜

新柳

搖曳河橋外春風自不禁青門遊子意渭北故人
心雨過留波影雲開散陌陰勝遊追往事挾彈聽
鳴禽

見燕

何處驚春色雙飛傍戶低叢花婉轉出芳草去來
迷新壘空金彈高樓落紫泥自傷徒碌碌不及爾
安栖

花朝

最憐撲蝶會遊子滯空齋地僻花辰靜官貧樂事
乖烽烟遲錦字塵土隔青鞵不敢登樓望鄉雲亂
壯懷

上巳

三日憐芳草風吹太液波燕山春雨細趙苑暮雲
蕉林詩集

五言律一

三

多百戰傷天寶群賢憶永和采蘭有士女極目奈
愁何

春懷

薊北寒雲暮鄉關春樹遙食猶爭鴈鷺枝未寄鷓
鴒穀騎清笳動柴車紫陌驕乾坤多戰伐何日問
漁樵

送陳岱清還越

商風拂短袂欵段逐飛塵淚落離亭酒萍浮避世
身蒼葭秋露白叢桂小山勾行李唯孤劍蕭然草

莽臣

二

美人南國去懷刺復何求
梅福能肥遯長卿已倦
遊田間三變海天際一歸舟
尚有聞閒欵青門識
故侯

輓孫二如先生

立朝唯正色蹇蹇一身輕
世自關存沒公原達死
生希文天下任元禮盛時名
海內儀型廢云亡歎
老成

蕉林詩集

五言律一

四

二

已識高山舊年來復結鄰
緒言猶未絕神爽尙如
新星暗三台象琴亡一老
臣清流無俊及吾道漸
沉淪

三

時方需砥柱人已惜山頽
未竟澄清志誰多匡濟
才秋風凋栢府落月泣烏
臺他日西州路寧堪更
醉來

四

造物原多忌如公那可亡九流憑月旦三篋本懷
藏三尺人倫鑒冰壺吏部郎茫茫長夜恨天未欲
平康

五

檠戟紛旗旆蕭蕭未忍過淒霜驚素幔涼雨濕青
蘿京洛衣冠盛河汾教授多忘年慚小友鷄絮付
悲歌

六

河朔風雲黯乾坤事業虛救時心獨苦憂國鬢全
焦林詩集

五言律一

五

疎姜桂當年性琳瑯此日書名山遺副在讀罷涕
漣如

秋懷

野濶浮雲起霜寒去鴈愁家山頽人夢各鬢早驚
秋宦久同鷄肋癡渾勝虎頭中原憂灌莽深夜拂
吳鉤

二

砧杵千門動天空河漢斜征人猶輓粟戰士未還
家梅落關山笛霜吹牧騎笳燕臺秋月白愁絕送

年華

三

不向墻東避翻從紫陌過浮蹤違薜荔造物妬巖
阿明月當帷滿秋聲入戶多羈棲何所事吾道日
蹉跎

四

客懷隨倦鳥秋思入高梧星斗疑明滅螢光半有
無守官術未密涉世計何迂進退俱飄泊乾坤笑
腐儒

蕉林詩集

五言律一

六

五

傲骨耽清書閉庭草不除翟門常致雀范釜自生
魚尙乏周身策難成痛哭書故園荒未甚南眺有
吾廬

六

居諸渾易度心事訝全非簡淡存吾好浮沉與世
違食貧原自適戰勝未能肥坐挹西山爽攤書對
夕暉

七

愁逐孤燈永心驚一葉寒功名歸絳灌學術尚由
韓入世曩懷減論交古處難高城風雨後搔首漫
相看

八

薊門摧柳色碣石散秋陰落日臨仙掌荒烟滿上
林河山憑吊淚歲月去來心滄海看如此寧須問
古今

九

舊業清尊裏孤懷落照中
葡萄垂露白柿葉帶霜

焦林詩集

五言律

七

紅鴈度桑乾影樓開督亢風翩翩年少俠結客茂
陵東

十

波光澄太液草色暗河橋夜雨蛟龍泣陰霾豺虎
驕人間空杼柚世上幾漁樵何處霜砧起寒衣尙
寂寥

十一

秋容看不盡遊子感逾增梁苑淹司馬江蓴繫季
鷹還山憂未果用世復何能恐益青衫濕高樓久

罷登

十二

瀟瀟涼雨夜歸夢滯平阜趙苑千門柳滹沱八月
濤野鴈霜後勁秋鶉日邊高風昔悲歌士猶堪醉
濁醪

十三

河朔高涼地秋生大陸烟畝閑多種秫林密日鳴
蟬背郭香秫熟臨河濯鯉鮮家家催社鼓暮傍酒
鑪眠

蕉林詩集

五言律

八

十四

去年風物好衝沁尚棲遲秉燭登樓夜垂鞭繫馬
時丹楓吟遠岸黃菊媚清籬回首浮雲隔悠悠鬢
欲衰

十五

烽火十年事荆榛萬里臺木隨川澗落沙捲塞雲
迴盛世方崇武儒臣敢論才征鴻群在野肅肅使
人哀

十六

河水縈殘堞西風鴈數行
角弓鳴朔漠突騎發烽
陽綠野無耕土黃雲有
戰場屢聞京觀築群盜自
飛揚

十七

已自甘鳩拙何緣傍鳳城
愧携高士傳徒著歲星
名京洛新冠履乾坤舊友
生鄒枚詞賦老慷慨欲
沾纓

十八

風前雙淚墮天外數峰齊
易水東流壯蘆溝夜月
蕉林詩集

五言律

九

低親闈烏自噪墓栢鳩空啼
脉脉思何極白雲望
轉迷

十九

徙倚風烟晚燕山翠萬重
諸陵悲草木雙闕冷芙蓉
性命謀當急馳驅念久慵
浮名知己誤那復怨
遭逢

二十

疎窻紛落葉澹意獨相親
堪對陶潛菊難揮鹿亮
塵藤蘿深掛壁蟋蟀漸依
人尺寸無能立羞稱侍

從臣

胡韜穎同年入京賦贈

百戰驅馳後相逢鬢已華
漸離初對酒越石自吹笳
身退仍多難功成未有家
哀哀風木恨掩淚向天涯

二

避地栖燕市崎嶇歎遠征
筐星兼將相天子重勳名
銅柱兵初罷明珠謗已成
布衣歸里第何以慰蒼生

蕉林詩集

五言律一

十

三

故國烽烟隔羈人道路難
素書秋夜讀長劒醉餘看
開府推羊祜中原望謝安
登樓應有賦孤鴈蕭門寒

四

壯懷甘放逐拂袂自蓬蒿
驅馬寒雲暮思鄉戰壘高
風塵餘短策霜露冷綈袍
意氣存吾輩談兵命濁醪

送常法次黃門罷官還蒲城

短策渡河去蕭然廉吏風
皂囊書自貴白雪調誰
同華髮京塵裏綈袍驛
路中浮名如屣脫何事泣
途窮

二

一朝封事上萬里罷官還
驅馬初辭闕鳴鷄早
入關逢蒿深粟里芝草秀
商山他日占星緯滄波
處士閑

三

孤踪違世俗長揖返山林
難借朱雲劍誰遺陸賈

蕉林詩集

五言律一

十一

金酒餘唯拊缶澤畔自行吟
宣室終當召無堅石
隱心

四

黯澹河橋外淒風送逐臣
王陵生自憇原憲久能
貧紫氣占關尹青門去
國人故廬烽火後高臥護
松筠

寄強九行同門并謝見訊

數載分鴻序何堪赤羽繁
賃春栖廡下市卒隱吳
門夙願慙多負同心喜尚存
河山風雨夜清淚灑

中原

二

雙魚來遠道尺素見情深同受河汾學寧忘梓白
心小山生茂桂流水奏孤琴莫厭風塵友相期嗣
好音

送舅氏歸里

骨肉秋宵別徧憐聚散輕一樽燕市淚千里渭陽
騎村月驚砧韻霜簷度鴈聲歸途多壯色馬首碧
山橫

蕪林詩集

五言律一

十二

寄懷陳伯倫同年時寄余書

南國傳魚素相思寄遠程夢飛桃葉渡書自石頭
城知抱文園渴還深湖海情窮愁何足計著作有
虞卿

二

燕關別未幾念爾臥幽林白首詞塲客青氈吏隱
心開門祗畫舫把酒對孤岑歎我無佳况金門尙

陸沉

贈米吉士司訓冀州

才子悲淪落艱難就一官賈生書久廢郢客曲誰
看月照青氈薄霜飛絳帳寒詩筒如有句望汝寄
長安

二

鴻鴈催征袂雲沙暗客裝苦吟多白髮素業有青
箱落日臨河朔秋風渡太行圖書船內富何必計
空囊

送虞亮工同年還越

燕市銷魂日驪歌不忍聽久揮滄海淚今返少微

蕉林詩集

五言律一

十三

星孤嶠冥鴻鴈寒沙泣鵲鴿懸知烟水曲雪滿草
玄亭

初冬感賦

栖鴉迷曉霧寒日抱荒廬李廣真奇數靈均更卜
居才迂當世嫉官冷結交疎徒羨浮雲起空天白
卷舒

二

世事何堪問生平祇自看將軍無揖客良友漫彈
冠俛仰身名累棲遲日月難南飛有鳥鵲啞啞繞

枝寒

三

傲吏真違俗，閑心欲廢緣。
鄉關新白羽，帝里舊青
龜。敝屋空囊粟，收書耗俸
錢。蹉跎徒老大，媿讀古
人編。

四

閉戶甘寥落，何須廣見聞。
近修黃老術，擬結鷺鷥
群。小閣收寒籟，疎簾受
夕曛。閑居深足慰，敢望附
青雲。

蕉林詩集

五言律一

十四

五

十月山光澹，孤窆曉色晴。
浮沉憐壯歲，習氣自書
生。未有曹丘譽，誰成季
布名。官閑能學道，寵辱漫
相驚。

六

擁褐疎窓晚，圍燈雪氣侵。
攤書消白日，好客散黃
金城。闕雲中色，關河戰
後心。不須論物態，今古總
銷沉。

冬日觀出師

上相今推轂身兼將帥行
摧旄辭北極衣袞事東
征劍拂霜花落弓彎霹靂聲
願言勤廟略天子罷觀兵

二

整旅天威重叨陪法從看鑿門
原不測挾纊竄知寒曉月明
金甲宮貂照玉鞍自慚無壯事
俎豆本儒官

哭吳暄山老師

猶憶春來信先生尙寄書
閑函涕淚滿臥病亂離
蕉林詩集

五言律一

十五

徐仲舉常懸榻陶潛但結廬
如何天上召遺使典
型虛

二

江表台星暗燕山烽火屯
數年違絳帳九死滯文
園世重龍門價余虛國士恩
河汾舊弟子痛哭幾
人存

三

人事真難測天心亦可猜
龍蛇當歲序麟鳳忽摧
頽玄草空齋掩白楊落日哀
西州輟樂後誰復解

憐才

四

疇昔傷同難吾師變服行南冠嘗對泣北闕幾吞
聲久不聞消息寧知判死生遺書未忍讀絕歎累
朝名

五

江海看東逝狐臣志未終濁流誰共砥吾道亦何
窮南國悲安石扶風失馬融獨留門下士餘恨寄
歸鴻

蕉林詩集

五言律一

十六

六

三輔持衡日重泉飲泣年傳家唯象笏遺韻斷朱
絃身未完婚嫁兒堪守墓田何時齋絮酒一慟棘
門前

李吉津張仲若冬日過訪飲惠泉水賦贈

有客過燕市烹茶得惠泉臣心清自許良友澹堪
傳聯轡風塵裏論文薜荔邊鴈行推二妙作賦憶
當年

二

板戶停驥裏喜來同舍生照人惟古道對汝去浮
情詩爲窮愁著官成懶漫各相看俱落落仕路正
縱橫

己丑初度

屠諸同逝水骨肉漫傳觴入耳無絲竹開軒對雪
霜田廬聞半廢兒女漸成行久負漁樵約栖遲尙
帝鄉

讀李吉津同年詩

李子才何富新詩日益工窮愁法律老騷雅古人

蕉林詩集

五言律一

十七

同詞坵誰爭長偏師未敢攻張燈深夜讀大國想
遺風

二

著書憂患後投我勝瓊琚同調推元白中原屬應
徐大音無晚近此道未空虛俱是狂吟客揮毫魏
不如

除日

嚴城催鼓角隱几避風塵朔氣銷戎壘浮名老客
身歌鐘春讌夕冰雪歲寒人刻燭憐殘臘寧堪下

漏頰

二

索米愁千頰幽栖道亦難久疎生產計莫問歲時
殘雨雪荒三徑風塵戀一官陽春明日轉數引微
裘看

三

帝城廻鳳曆詞客滯金臺雪壓西山斷風吹大陸
開感時傾栢葉久戰歎蒿萊臘鼓中宵動銜杯亦
壯哉

蕉林詩集

五言律

一

十八

四

漢宮吹律暖春到玉橋東老大心情減兒曹樂事
同檢書看酒綠煨芋守燈紅徒羨王孫草芊芊待
曉風

已丑除夕

浮生曾未幾三十歲華過夾巷新燈火頽垣故薛
蘿俸錢今夕盡鄉思隔年多坐聽晨鐘發珊珊動
玉珂

庚寅元日

烟弄寒閣曉日麗鳳城春梅柳纔知歲屠蘇已讓
人鄰家歌鼓會兒女綵衣新愁絕難同醉蕭條媿
此辰

早春出郭望西山

衝寒方出郭渾不似長安天地俱寥濶雲沙自渺
漫春波搖雉堞老樹立荒壇駐馬石梁側西山秀
可食

清明出遊

春色當寒食河橋列騎遊帝城初禁火杏苑正鳴

蕉林詩集

五言律

十九

鳩暮雨郊壇樹青帘花市樓東風吹柳絮飄落滿
皇州

清明遊農壇

蓬萊虛殿傲鳥跡遍鐘鏞宵旰耕方輟祠官禮未
供壇雲巢鸛鶴松日動虬龍戰伐何時息 朝廷
本重農

花朝前同吉津敬哉飲米吉土齋中

蓮社當年侶立亭此夕過子猷叢竹滿荀令異香
多華榮開銀燭條風入綠莎潁川星始聚太史奏

如何

二

近市翻如野開軒清晝遲自然窓草發竟日網蛛
書誰擅梁園賦君工鄴下詩素風渾不改相對我
情移

三

東華塵甃謝抵掌縱高論椀切銀絲膾香浮白墮
樽世情看短劍吾道貴衡門袖裏君家石於今尚
幾存

蕉林詩集

五言律一

三十

春日送行登雙龍菴閣

各灑離亭淚招提甃爾遊當年韋杜曲此日蘇龔
愁歲月深埋寺行藏獨上樓春明車馬動征逐歎
如流

自傷

七載悲滄海三經咏蓼莪吾生那可問天意欲如
何南鴈穿雲急東風掩淚多麻衣驚似雪愁聽鴝
鴂歌

二

微生原薄劣入世每迤邐運際龍蛇歲心傷風木
年總惟搖素月細雨裊香烟携杖還鄉井看耕墓
畔田

草橋

爲厭風塵色行行過遠林草蟲吟岸莽花擔度橋
陰十里寒泉瀉千年廢宅沉
相傳此地多元人亭
第今不可復識矣
蒼茫尋野迳迤邐白雲深

慈蔭寺樓

危樓臨古道勝地起荒臺萬井烟花斷千峰雨氣
蕉林詩集
五言律一
三五

來徑深淹歲月碑冷翳蒼苔縹緲雲中闕憑欄思
轉哀

碧霞元君祠閣

百尺飛仙閣登臨草樹迷晴光連檻動山色落簷
低白日空人跡青天過鳥啼閑心能慕道安得遂
幽棲

祖氏園亭

短籬藏水榭岸繞幾人家石砌生青篠蹊叢落紫
花風來翻樹葉驚起亂汀沙雅興如山簡依依白

帽斜

夏日苦旱

暑氣侵簾幙，愁思黯不禁。
垢除凋蔓草，簷際下饑禽。
風急飛青火，沙昏走綠林。
田夫徒望歲，那復識天心。

二

赤日偏難暮，飛塵入我居。
玄駒藏樹穴，白鳥集庭除。
箪熱妨高枕，心清檢道書。
家園稀問訊，秋稼更何如。

蕉林詩集

五言律一

二五

送胡韜穎再往真定寓東園

落落炎敲裏，遲遲岐路中。
余將去薊北，君再避墻東。
賸有防身劍，難乘破浪風。
鄉園多薜荔，尚足慰飄蓬。

秋初葵石兄以新詩見示次韻

夕陽帶細雨，秋氣冷疎烟。
獨臥吟常苦，當風座屢遷。
真同倦鳥清，欲學寒蟬寂。
寞能相慰，投余白雪篇。

秋陰

雨過新涼夜秋風漸入簾草蟲吟短壁螢火閃虛
簷歲歎終何賴官貧敢自嫌閉門時假臥人謂學
陶潛

立秋

忽見西風至蕭然動暮愁千年燕市月一葉薊門
秋北斗臨簷落浮雲接漢流遙知塞草白歸鴈起
汀洲

新秋臥病

伏枕憐秋色天高暑氣沉浮生傷白露無藥鍊黃
蕉林詩集

五言律一

五

金落葉飄前檻涼蟬動遠林壯心難自減強起獨
行吟

處暑前一日

明日銷殘暑天空鴈影高寒蟹吟夕露銀漢落秋
清道在漁樵貴心傷車馬勞陶家多種秫歸去訪
東臯

中秋飲外舅太僕公宅

萬里懸新月中宵散暮雲桂宮添素影莫羨識秋
分波泣魚龍夜風高鴻鴈群長安多勝賞絲管正

紛紛

二

孤輪何皎皎此夕又同看星斗臨杯動笙歌入夜
寒關山多玉笛湖海幾漁竿爲念深宮裏金莖濕
露盤

秋夜飲巖藜喫夢蝶齋

我愛秋宵永君培芳樹多張燈傾白墜開徑掃青
蘿軸滿南宮舫群籠逸少鷄結廬雖傍市咫尺似
巖阿

蕉林詩集

五言律

三

二

宛宛燕臺月清輝度竹林美人投轄夜遊子望鄉
心氣暖浮香篆風來響素琴遲回重洗爵莫惜露
華侵

秋懷

斗杓天際轉旅鴈日邊遲月滿虛龍塞霜飛督亢
陂浮雲真易變碁局每堪疑鬱鬱諸陵近難追俠
少兒

二

閣筆難成賦危襟自放
秋霖憂稼穡世變畏山
阿鴈影江湖澗砧聲帝
里多楓村環暗浦急雨入
漁蓑

三

風雨愁聲急蓬萊鎖寂寥
草深碣石館龍泣海門
潮紈扇誰當裏幽叢自
可招千年易水上猶是莽
蕭蕭

定興道中

秋氣侵征袂輕裝逐曉
風村藏紅樹末山起白雲
蕉林詩集

五言律一

三五

中霜浦跳遊鯉平沙宿
亂鴻前驅迷古轍隔岸
樹漁翁

保定道中拜漢昭烈關壯繆張桓侯廟

荒原風日淡遺廟傍河濱
霜變祠前草烏啼戰後
塵蒿萊依手足衰亂見
君臣易水寒如昔千年舊
烈新

二

百戰河山異巋然見漢宮
傍檐凋老檜繞屋響秋
蟲涕淚中原地馳驅國士
風鄉人勤伏臘何處哭

英雄

晚行新樂道中

驅馬孤村暮墟烟靜夜扉輕
颺時撲面團露自沾
衣老樹如人立驚鴉見月飛
蒼茫迷雉堞燈火隔
林微

送公白弟北上

離亭攀弱柳送爾欲銷魂
蘆葉笳中月桃花水上
村金臺收郭隗茆店舞劉琨
莫漫傷岐路春風滿
薊門

蕉林詩集

五言律

三六

春暮新晴出郭

雨足高原靜天空列岫低
平池翻藻荇麗日亂鳥
驚馬蹴王孫草蘿深靜者
棲翠濤生壠麥戶戶急
春犁

二

傍郭旗亭曉輕暄草木滋
新藤飛爛熳春水弄蘊
漪碧樹金丸落朱樓白晝
遲風光虛九十難逐治
遊兒

上巳靈壽道中

花氣牽帷入春橋草樹繁輕烟裊遠墅細雨閉孤
村雲盡青山起風來白鷺翻飯牛歸隴上父老倚
柴門

寄謝李吉津同年見訊

不見長安日春來但索居屋梁遊子色懷袖故人
書寒雨臨窓曉新篁過檻疎元龍樓百尺豪氣近
何如

二

盍簪依

闕下猶憶細論文懷遠詩難賦齋空鴈

蕉林詩集

五言律一

三

獨聞中山多薜荔京國盛風雲當代尊儒術談經
正倚君

夏日郊亭觀荷

何園堪避暑水榭晚涼時繫馬依高柳通窓納遠
颺碧筒和露折白舫近花移蔣氏新開徑唯應二
仲知

二

林下虛亭敞花間諸阮過披襟乘暇日弄笛傍清
波閒鷺窺人起輕條出水多濯纓聊共適奈倒接

離何

三

背郭緇塵隔當門翠色遙隴雲流斷岸槐雨落平
橋荷靜香逾好樽空興轉驕荆扉鷄犬散池畔自
蕭蕭

立秋集叔父宅

華館鳴蟬急秋從大麓生山雲行落日梧葉下高
城樓響疎簾雨燈寒少婦笙涼颺吹短鬢對酒漫
沾纓

蕉林詩集

五言律一

三八

七夕小集

天邊烏鵲盡絲管正悠悠酒氣疑沾袂雲光欲落
秋寒濤流遠漢新月上層樓此夕穿針婦憑欄待
女牛

彥兒生日

開徑秋陰滿啣杯暑氣澄幽花橫小檻細雨入疎
藤生產謀逾拙兒曹齒漸增蚤宜分五穀未敢望
飛騰

秋夜聞鴈

虛窓方歎息，壓壓鴈群鳴。
影背黃龍塞，風高丹鳳城。
斷行浮淺漢，歸陣變秋聲。
應起閩中思，裁書寄遠征。

送郝水滌侍御按蜀

使者乘驄去，風清驛路塵。
蜀天開鳥道，益部動星辰。
事業需公輩，朝廷重遠人。
行行王子馭，九折莫逡巡。

二

萬里催征袂，關河草木黃。
登車初攬轡，封事欲飛霜。

舊林詩集

五言律

三九

霜雪嶺稀鴻，鴈蠶叢尙虎。
狼飄零餘赤子，早繪入明光。

送張仲若同年頒親政詔之河南

幾夜占星使，忻看駐玉珂。
鄉關寒鴈急，嵩少凍雲多。
落日重分袂，秋風晚渡河。
詞臣堪授簡，梁苑雪如何。

二

纔過黃花日，銜來丹鳳書。
中原瞻聖主，北闕遣相如。
洛下才人地，冀門監者居。
憑軒宜試問，歲月

莫令虛

暑病

被暵朝飧減侵堦暑雨紛每深滄海志真愧北山
文却病詢丹藥懷歸望白雲禁方頻自檢畏令老
親聞

暑雨

北地每憂旱今年潯雨增披襟暄白鳥散帙畏青
蠅氣候疑初變驅馳謝未能商風何日至酷吏久
飛騰

蕉林詩集

五言律一

三十

二

經時不見月向夕黑雲連濁酒愁袁紹繩床困孝
先驅蟲類聚散束帶每遷延猶說長安市高樓沸
管絃

三

積陰方出日苦熇暫開扉麥穫妨霖雨官貧慮歲
饑網蛛垂戶遍巢燕度堦稀庾亮塵仍劇齊紈未
易揮

四

元坐已難遣胡爲趨走頻
鷄栖騎馬日磬折掃門
人思得乘風翼無從乞病
身何時軒冕脫濯足冶
河濱

立秋

逢秋常下淚此夕復如何
積雨蒼苔重新涼小簟
多當途猶密網湖海更橫
戈不少鱸魚興閒心對
薜蘿

二

久罷登樓賦重瞻買駿亭
虛堂螢火入秋氣鳳城
蕉林詩集

五言律一

三十一

來一葉悲時序三農歎草萊
不眠看夜色北斗自
昭回

秋雨

坐擁西山氣蕭蕭雨到床
逢人問白羽閉戶檢書
箱積水鳴湍急秋花過院
香洗兵天意在吾欲探
滄浪

題夢園

每說平泉勝蕭然足放歌
微風牽翠苜涼月入畫
蘿送酒陶潛醉開扉二仲
過畫樓恣野望大陸日

雲多

二

永日虛亭敞爲園逸興清著書秋散帙賭聖午懸
杯晚弄沿溪落修篁得雨成穿花有蛺蝶栩栩傍
莊生

三

解組滄浪畔行吟落照中魚跳新白舫櫪伏舊青
颺臺散千家雨窓開萬里風酒餘閒倚杖天際數
歸鴻

蕉林詩集

五言律一

三二

四

偶開金谷苑斲著鹿皮冠露綴桃笙薄風翻貝葉
寒焚香移鵲尾留客進龍團命駕期何日携樽看
藥欄

秋夜

秋窓拋卷臥寒色上昏檠高枕明河影垂簾驟雨
聲素風安拙宦壯歲遠浮名天地嚴霜近低回感
物情

對酒

良夜同斟酌，遲回百感生。
張燈來細雨，擊柝起高城。
旅食驚秋色，風塵減宦情。
誰家調玉笛，一曲想南征。

送閩蒼漪進士歸里

濁酒進君前，鄉心動別筵。
看花當早歲，歸騎向秋天。
風雨疎燈夕，塵沙古驛邊。
里門榮晝錦，何必奏甘泉。

遣興

秋草生閒徑，涼颺透敝廬。
曠乾憂歲事，歷亂見鄉蕉。
林詩集

五言律一

三

書漸覺囊殫，果從知禮法。
疎喧丞雖傍，市不異野人居。

二

窓竹娟娟靜，山雲片片過。
攤書沾白露，倚檻轉銀河。
市酒隨時有新篇，漫興多鄉人。
嗟道路日暮弄瑀戈。

三

官冷容吾傲，茅堂託興賒。
友生酬白雪，兄弟論丹砂。
夜雨鳴孤劍，清吟雜暮笳。
風塵憑落落，不識五

侯家

四

裴几凝塵滿階苔竟日封吟蛩悲露夕風葉變秋
容寡累東方朔多情阮嗣宗把書渾不語寥落向
高春

五

曙色臨窓靜蟬聲入樹幽曬書逢小暇隱几對清
秋砧杵千門急蓬蒿一徑留平生飛動意汎汎任
虛舟

蕉林詩集

五言律一

三四

六

未敢甘違世何因賦遂初泥途憑款段繩墨顧山
樵白日車塵裏青山客夢餘金門真大隱偃仰見
華胥

感興

聞發漁陽騎塵飛萬馬間嫖姚臨漢壘鼓吹出燕
關露冷沙塲月風彫壯士顏刀頭申密約征戰幾
時還

二

何來蛾賊黨羽檄遠長安六郡徵兵急千家轉餉
難黃雲埋戰骨白舫失漁竿 聖主憐荒服應披
禹貢看

三

太液流波靜秋霞入苑明曉鐘僊仗出委佩鳳池
鳴殿陛興綿萇橋門拜老更漢家天子貴猶召魯
諸生

四

千里飛沙急乾坤歎不支山空牧馬日霜落用兵

蕉林詩集

五言律一

三五

時西極鸞叢險南州翡翠遲大風連朔漠猛士亦
堪思

五

日麗開丹辰星輝動玉衡禱祠還海嶽鐘鼓自周
京初識龍鱗影重高虎觀名曾聞勤遠略池水象
昆明

六

鴻鴈關河起低回念爾勞輓漕艱玉粒御屋晝秋
臺野照青燐徧星懸太白高縱橫嘶怒馬獨見五

陵豪

嘉兒入國學爲詩示之

總角恩加汝青衫國子生
朝廷真不薄兒輩莫
徒榮早識金根字何須玉麈名
孤寒良可念雪白
困柴荆

中秋

帝城三五夕風葉近檐斜
移席臨秋草開樽坐晚
花關山明萬里砧杵閉千家
堂靜寒生粟徘徊待
月華

蕉林詩集

五言律一

三六

二

紫陌喧塵絕清輝
小院多自憐人寂寞翻使舞婆
娑薄酌無兼味奚童有市歌
漢宮明月滿竟夕奏
雲和

三

宵長渾不寐雙淚墮
孤檠仰視關河影應從故國
明秋聲連遠塞哀角出嚴城
遊子頻回首高堂此
夜情

四

團圓燕嶠月今夕又同看市酒愁樽盡風塵照鬢
殘光欺銀漢沒輪起鳳樓寒高宴王孫第熒熒尙
未闌

五

萬戶天街迥一尊逸興孤光華曾錦綺宛轉亦江
湖桂殿長虛寂宮雲乍有無漏深風露下繞樹未
棲烏

六

雙闕金波動空軒列宿高香疑飄桂子明可鑒秋
蕉林詩集

五言律一

三五

毫鵬墮西山影龍吟瀚海濤蒼茫望碣石夜色正
滔滔

秋日次李吉津韻

西山雪氣早萬戶促寒衣出處處多咎生涯帳久
違疎燈飛暗雨秋草掩孤扉故里荒烟隔蘆花冷
釣磯

贈周大洽

燕市看奇服逍遙滄海餘九州供指畫六甲辨孤
虛客怪侯嬴座囊携郭璞書方輿渾落落頗爾有

南車

夜坐苦寒

秋夜寒如此裝綿尙不禁帝鄉殊節候草閣耐蕭
森機杼深聞淚關山遠戍心孤燈催燭冷挑盡未
成吟

武關曉雨

秋堂涵澹色危坐雨窸孤丹闕風雲集青天鶴鶴
呼行間思衛霍紙上校孫吳俎豆儒臣事何能佐
廟謨

蕉林詩集

五言律一

三

二

海內論兵日中朝拊髀年魚龍喧午夜雕鸞起秋
天閣照青藜火書縑黃石編球琳與竹箭願貢
鳳樓前

三

落葉下階輕飄搖滿鳳城曉雲寒不歛秋雨細無
聲睥睨山河見踟躕歲月驚漢庭多絳灌痛哭賴
書生

正月十四夜

言試新燈火嘈嘈復帝城市樓角舩戲隣寺暮鐘
聲爆竹千門起星橋片月明小堂頻刻燭坐聽玉
珂鳴

十五夜

晴暖真良夜春醪嫩御筵踏歌聲窈窕把酒月
團圓小婦調銀甲王孫駐錦鞦東風無限思擾擾
不成眠

十六夜

殘雪融垂柳春風澹綺櫺蓬萊三殿靜烟月萬家
蕉林詩集

五言律一

三五

同夜色開馳道清絲出漢宮昨宵祠太乙竟夕火
山紅

元夜小集同武穎凡金岱觀公白弟雅倩姪
浥酒何辭醉徘徊月影多走橋塵不斷問字客相
過魚鑰弛清漏虹梁渺夕波家園頻佇望燈火竟
如何

二

漠漠烟如織溶溶夜未央喜看兵氣散兼許歲星
狂月上冰壺色風行玉珮香相憐歌白雪媿負少

年塲

送王百成叔丈赴京闈

征塵飛五月挾策帝城隈
久著王褒頌先登郭隗
臺豐城千氣象碣石走風雷
冲聖方臨屐寧虛
腰裏才

送二叔父南遊

短策驅河朔飄然不問家
水雲饒勝具湖海任年
華五岳青鞵遍孤帆白日斜
此遊真汗漫好爲訪
丹砂

蕉林詩集

五言律一

單

除夕

冰雪當殘臘霏微凍霧層
高樓沉夜角飛霰灑寒
燈旦夕陰陽變栖遲日月增
琴尊聊守歲愁負酒
如澗

遊蒼巖初度嶺

天際攀危嶺劃然石磴開
千盤蛇徑曲衆壑虎風
來落照橫青壁春雲變綠苔
西屏如畫裏矯首幾
徘徊

上寨道中

山行乘暖日近岸午陰繁徑仄斜通市雲流曲抱
村鳥啼來遠岫泉響到閉門向夕人烟絕悽悽嘯
夜猿

登山至絕頂

濟勝偏饒具登高欲放歌千峰伏抱犢一線走滹
沱鷗逐晴沙起村藏草樹多牧兒無約束巖畔理
青蓑

癸巳立春

正朔頒王月逢春又一年御溝消積雪宮柳動新

焦林詩集

五言律一

四十一

飛懸夢青山外驚心綵燕前五陵走馬日晴色滿
第辛

九日登高

鷗備來野色九日快登臨歸鴈還家夢荒臺久客
志埋雲侵古寺溪鳥度秋林漸老東籬菊臨風動

冬

冬日從獵南苑

霜寒長發鉦聲七校嚴寒光金勒重曉色雪山
蒼鷺蒼鷺擊水上紫髯守官事筆札壯志規

二

烏號鳴曉日霜沒鐵連錢
天子真神武群公半
少年繚鷹脫臂疾雪騎印沙圓
古禮稱冬狩君
王豈好畋

三

白日照霓旌迢迢接鳳城
離宮雲乍歛甲帳火微
明四野冰霜色中宵鼓角聲
炊烟千縷上夜飯羽
林兵

蕉林詩集

五言律一

四

四

寶馬仗金鞭鄒枚扈從年
驕驄嘶苑柳霽雪敞平
田列帳連岡外吹笳夜枕前
獵徒從獸樂縱飲自
翩翩

五

落月橫沙渚饑鳥下雪灘
霜飛貂錦薄草盡橐駝
寒列戟朝行殿鳴鐘引從官
翠華時遠幸幣懷敢
圖安

六

南郊望不極驅馬雪中來日饜熊羆士寒添乳酪
杯雙旌飛鳥避一騎按鵬迴解經知明聖無煩
諫獵才

七

宮錦壓鞍紅韓盧逐遠空瑠戈燧雪外威築暮雲
中馬嚼霜原草鷹呼苑囿風千夫赤羽膳共試佩
刀雄

八

衛士傳呼早期門注矢重雪光翻陸海日氣抱寒
蕉林詩集

五言律一

四

峰磴騎穿孤窟村墟斷鳥蹤喜當講武日爲樂不
妨農

春日奉命賑上谷出都門

朝發都亭騎春風拂短裘簡書頒紫禁星使下蘆
溝鴻鴈衝沙起桑乾傍郭流窮簷勞盱食雨露
滿皇州

宿良鄉縣遇雨

落日澹飛塵停車對暮春馳驅孤館夢風雨倦遊
人墟里隨年減昏燈照驛貧近稱三輔邑問俗欲

沽巾

涿州道中

官柳度輕颿山桃出短籬
田家春雨後村市曉寒
時帆落蘆溝月風開督亢陂
古來百戰地極望馬
遲遲

定興道中小憇古寺

零落何年寺石堂蛛網縈
碑苔磨歲月香火走村
氓畫壁龍蛇沒風巢燕雀驚
誰言金布地春草上
堦生

蕉林詩集

五言律一

四四

至保定

使者驅車過邦人負弩迎
驛燈明古署槐雨下高
城歲事農夫淚殷憂造物情
聚觀多執杖侯吏莫
相驚

完縣有木蘭祠

縣卽陳平封邑

曲逆山城古蒼蒼白日遲
風雲丞相邑鼓吹女郎
祠血食存喬木塵封洗斷碑
古今稱壯縣遺烈使
人思

易州懷古

昔聞歌易水此日對潺湲不遂燕丹計空嗟壯士
還亂雲生谷口急雨落前灣遺恨河山在蕭蕭鬢
欲斑

秋日閒居

少小飛揚態年來歎不支安貧妻子慣任拙友朋
疑砌響秋蟲老風迴旅鴈遲晴窓餘底事賴有蠹
魚知

二

慷慨論千古寂寥手一編宦情霜後葉客况雨餘

蕉林詩集

五言律一

聖五

天牖日寒無賴簷花秋可憐濁醪空自對翻美酒
徒賢

送申鳧盟還廣平

時方請父益

世重文章價君爲忠孝門披裘吟白雪擊筑擁黃
昏徒返山中屐難酬地下魂王哀千載淚沾灑向
丘原

二

騎驢來闕下憐爾放歌餘避世身甘隱終天恨
未舒從容殉國日珍重易名書吾道滄洲貴無煩

更卜居

三

縫掖中原老河山涕淚多詩篇傳洛下風雪渡漳
沱襄漢妻孥樂柴桑歲月和故鄉俗信美三徑日
婆娑

春晴遊趙氏園亭

市南芳草路宛轉絕風塵麗日開閒徑山桃媚早
春到門喧瓦雀隔浦打漁人咫尺烟霞駐墻東願
結隣

蕉林詩集

五言律一

罕六

送陸集生歸雲間

把酒傷岐路春風送爾還孤帆下潞水芳草滿蕪
關榜黜劉蕢策囊空蘇季顏藏身雙劍在莫畏道
途艱

對雨

戶久無車轍悠然省見聞名書百遍讀香篆屢教
焚不斷潺湲雨時看聚散雲高眠心欲寂詩思轉
紛紛

二

幾夜冥冥色虛庭半綠苔壁蠅揮不落暮燕去還
來已慰三農望堪嗟萬卉摧魚龍喧大陸誰是濟
川才

三

私喜喧豷絕行吟曠色來窓間飛暗雨簷際轉輕
雷萍藻從風亂蜻蜓掠水回微寒生短袂瀉酒漫
啣杯

四

署冷官如寄堦空影自移飛蟲羅暗網倦蝶坐深
蕉林詩集

五言律一

學七

枝稼事占收早鄉書恨到遲孤吟渾歷亂况復雨
絲絲

五

風聲挾雨急水氣動城昏短榻慵開帙孤燈早閉
門公卿才不偶林壑道元尊每歎荒三徑吾將學
灌園

六

涼風吹薄暮謾謾近新秋小徑繁花落疎畦暗水
流嘯歌吾不廢釜甑婦偏愁安得元龍侶同登百

尺牘

七

寂寂多歸夢，濛濛起暮寒。早爲婚宦悞，始識道途難。
車馬羞時態，親朋憶舊歡。喜餘窓外竹，獨傍雨中看。

八

菌衣生枕簟，雨氣暗簾櫳。濕羽翅簷雀，哀音響砌蟲。
江湖戎馬信，紈扇故人風。乘興巡欄藥，疎香上

小紅

蕉林詩集

五言律一

單八

九

盤礴寒光裏，流淙歆枕餘。臨池聊弄筆，移席偶攤書。
仕路心方折，交游跡自踈。荒烟野水外，彷彿見吾廬。

十

白日升還匿，空床濕屢遷。玄駒遊垤外，饑鼠立人前。
歛失長安陌，徐生比舍烟。秋陽吾欲賦，宵歎不成眠。

送魏咏庵同年侍養還遂平

矯首歸鴻急離心對酒初艱難嗟道路世事幾樵
漁綵服承恩日青山伏枕餘不才留滯久送子媿
何如

二

炎風吹潞水拂拂片帆晴
聖世慈烏遂高堂晝
錦榮川廻房子國雲起汝南城賭墅東山暇應能
擅九枰

題李司寇陳姬遺像

想像春風面殷勤屬壽師曲房燒燭夜長笛倚樓

蕉林詩集

五言律一

四九

時晝永調鸚鵡歌成喚雪兒
姍姍明月下初訝珮
環遲

二

素手閒開帙依依笑靨生
歌留團扇小香疊越羅
輕桃葉風前句梧桐雨後聲
寂寥金谷苑花草怨
啼鶯

三

秋水神虛照梨花夢自長
指停新鳳尾腸斷舊霓
裳露浥薔薇重風廻綺閣涼
行雲何處散巫峽久

荒唐

四

虛負鵝鵝翼支離奈爾何
鸞膠疑可續湘水怨偏多
寶篋閒青鏡香奩廢黛螺
忘情非我輩忍復聽雲和

初晴見月

燕市久無月茲宵爽氣新
乍疑白動壁忽訝影隨人
慈愛終天意秋光蘇病身
步檐喜不寐矯首望星辰

蕉林詩集

五言律一

五十一

二

屋角銀濤瀉街頭霽色分
高城涵素影小院卷晴
雲波定蛟龍睡天清鐘漏
聞祠官勤禱祀宵旰啓
明君

秋夜聞雷

河漢三更沒劃然急作聲
披衣防破壁倚柱護孤
檠恍惚巖龍起喧呶
櫪馬驚雷霆真不測魑魅
莫縱橫

雪中宵行

城暮紛何急驅車擁雪行開帷天一色積陌夜無
聲隔巷途人語停梭篝火明祁寒嗟萬戶應自繫
皇情

輓李仲宣司理殉難

青犢真無賴妖纏白日昏書生能罵賊既死尙銜
恩鴈失雲中侶鶴歸月夜魂隴西門第舊忠孝動
天閣

二

論文能識子爲政若修身案牘無冤獄逢迎斷要
蕉林詩集

五言律一

五十一

津黑山忽躍馬滄海遽飛塵血化千年碧完名慰
老親

三

憶爾彈冠日翩翩喜不群白應霄漢上詎謂死生
分新鬼飛原火悲風結海雲鯨鯢今就戮好遣夜
臺聞

寄贈趙君聖根令武安君忠毅公孫也

携琴從鄙上縮綬向中原家有旌忠詔人知廉吏
孫穠花開滿縣蔓草刈當門治行推高第雙鳧達

至尊

二

捧檄初爲吏書來自武安鄴城雄土俗漢法重鄴
官喜見河流潤能廻朔雪寒韓陵石儻在摹取寄
余看

三

忠毅公起家中州司理

猶憶張燈夜深談吏治頻藏書能自守遺笏尙如
新曾否兒童逐應看乳雉馴中州前躅在清白念
先人

蕉林詩集

五言律一

五十一

四

君恩真不薄爲政美如何地跨邢洛近山蟠晉雍
多北風催亂木夜雪滿漳河疾苦勞 明主舉維
幾度過

贈馬子貞守濱州

舊爲葵源令

初識循良吏爲余鄉里人旣驚相見晚徐話故山
春應 召居高第移官重守臣東方偏水旱赤子
望車輪

二

五馬看新貴何如百里侯鳴琴從白嶽領郡隸青
州俗侈魚鹽利民歌杼柚愁亂繩君白理渤海見
安流

寄懷張仲若同年

百感何能寐讀君歲暮書交情真愈澹世路老仍
踈殘雪山晴後春風鴈過初三餘良可用莫漫負
幽居

二 仲若初習天文

念爾分携久憐予潦倒餘時方爭道路誰獨重鄉
蕉林詩集 五言律一 五三

聞不事家人產新傳象緯書祥琴期早奏有賦待
相如

送同門張月征還金華

古道彈長鋏初從京洛遊故人燕市筑歸客潞河
舟水驛飛紅葉秋帆度白鷗浮雲回首處惆悵仲
宣樓

二

落日班荆後秋風掛席初山中宜著史闕下莫
陳書暮雪巖陵灑澄江張翰魚君無傷落拓出處

竟何如

三

猶憶看花日，聯翩倚絳幃。
余荒松菊徑，子製芰荷衣。
風雨愁雙鬢，星文動少微。
吳門師舍近，立雪傍山扉。

四

送君不得意，執手話秋城。
懷袖三都賦，帆檣累月程。
西陵霜草色，東浙暮潮聲。
行矣加餐飯，丘園繫聖情。

蕉林詩集

五言律一

五十四

送金岱觀還嘉興約春月入都

送客歸樵李，斜陽動遠愁。
月高初對酒，水濶正宜舟。
漁浦霜楓暗，江樓暮雨秋。
長安春自好，鴈羽莫遲留。

二

兩載扶風，張兒曹喜受書。
胡爲淹駿骨，遽爾憶鱸魚。
雨雪牽歸夢，琴尊慰倚闌。
君才非久困，珍重惜三餘。

送任雲石工部權稅龍江關

使者冬官重輕輟度曉烟司分山澤利稅入水衡
錢臺雨疑花落江雲似練懸冶城春色早覽眺莫
徒然

送秦維明令安定

念子青氈舊忻看墨綬新携琴當遠塞捧檄慰慈
親風雨秋歸楚河山曉入秦茲行稱萬畢治橐莫
辭貧

二

儒服初爲吏驅車意若何一官兼旅寓雙鬢老
手

蕉林詩集

五言律一

五

戈禾黍關中熟落桃塞下多君家重經術羌俗有
絃歌

雪夜

雙闕寒雲合千家雪色同客尋沽酒路鴉避落巢
風攬袂傷裘敝攤書戀燭紅栖栖驚歲暮愁髯漸
成翁

送婁中立令青浦時亦方驅車入都

我逐春風去何處又送君琴鳴江上邑鶴唳泖中
雲蒨屋艱漕輓樓船急海氛子才優理劇保障莫

辭勤

驛亭夜雪

落日東雲生春風古道平
冰開新市渡雪滿定州城
老樹歸寒鳥虛堂暗短檠
擁爐遲命酌頓遣客懷清

定州立春

每憶中山酒朝來此對傾
州人角觥戲鄉土歲時情
霽雪融階濕條風拂檻生
驅車行更緩春色滿前旌

蕉林詩集

五言律

卷

定州觀雪浪石

寒照鱸堂寂眉山色
浮玉井綵筆落銀
鈎片石蛟龍護孤
獨徘徊人不見春草自
深愁

